

Муфтий Усмонхон Алимов Халқаро мусулмонлар форумида иштирок этади



08:30 / 10.12.2018 2551

Бугун Ўзбекистон мусулмонлари идораси раиси, муфтий Усмонхон Алимов Парижда бўлиб ўтадиган Халқаро мусулмонлар форумида иштирок этиш учун жўнаб кетди. Бу ҳақда Ўзбекистон мусулмонлари идораси Матбуот хизмати хабар берди.

Халқаро мусулмонлар форуми ҳар йили дунёнинг етакчи мамлакатлари пойтахтларида кўп йиллардан буён ўтказиб келинади. Хусусан, 2014 йилда Россия Федерациясининг Москва шаҳрида, 2015 йилда Буюк Британиянинг Лондон шаҳрида, 2016 йилда Франциянинг Париж шаҳрида, 2017 йилда эса Хельсинкида ўтказилган.

Ушбу йирик тадбир Халқаро мусулмонлар форуми котибияти, Россия мусулмонлари диний идораси, Россия муфтийлар кенгаши, Москва Ислом институти, Финляндия мусулмон ташкилотлари тармоғи ва Бутунжаҳон мазҳабларни яқинлаштириш форуми томонидан ташкил этилди. Шунингдек, Буюк Британия мусулмонлар кенгаши, Италиянинг динлараро ва маданиятлараро таълим фонди томонидан қўллаб-қувватланган.

Islom.uz портали таҳририяти